



72
1727, 20

20

FACULTATIS JURIDICÆ
IN ALMA ET PERANTIQUA ELECTORALI
VNIVERSITATE ERFORDIENSI

DECANVS

ERNESTVS TENZELL,

JCTVS,

EMINENTISSIMI PRINCIPIS ELECTORIS MOGVNTINI CONSILIARIVS REGIML-
NIS, JVDICII PROVINCIALIS ERFORDIENSIS ASSESSOR, AC DICTÆ CIVL-
TATIS CONSVL PRIMARIVS,

AD LECTIONEM CVRSORIAM

Super L. 22. C. Mandati,

HACQVE FINITA

DISSERTATIONEM INAVGVRALEM

DE VERA AC REALI ACQVISI-
TIONE SIMVLTANÆ INVE-
STITVRÆ IN LVSATIA
INFERIORI,

^A
NOBILI ET CLARISSIMO DOMINO

JOH. CHRISTIANO LEHMANNO,

Sprembergens. Lusat.

IN AVDITORIO JCTORVM MAJORI

D. XVI. AVGVSTI A. M DCC XXVII.

HABENDAS,

OMNIVM ORDINVM AVDITORES DECENTER INVITAT,

ET


OCCASIONE LEGIS IN ISTA LECTIONE EXPLICANDÆ

QVÆDAM

DE NATVRA LEGIS ANASTASIANÆ

DISSERIT.

ERFORDIÆ, Typis GROSCHIANIS, Acad. Typogr.





Raudes seditiones callidasque machinationes movere, generi humano non infrequens. Quantis CATILINA Cives Romanos dolosis persuasionibus sollicitaverit, hincque turbis ac seditionibus ansam dederit, legimus apud CICERONEM hostem CATILINÆ; Quanto Justinianus Imperator Zelo fraudibus callidisque machinationibus occurrere al- laboraverit, testantur Pandectæ, Codex repetita præ- lectionis, ac Instituta; Quanta æquitate Prætor ri- gorem Juris temperaverit, fraudesque præter intentio- nem Imperatoris ex nimio rigore, & apicibus Juris stri- cte observatis evenientes, coarctaverit, passim in me- moratis libris potest offendi. Inter alia luculentum pt. videri exemplum in *L. 1. pr. ff. Nautæ Caupones & Stabu- larii ut accepta restituant*, (ubi Prætor materiam ne hi homines cum furibus haberent coeundi, adversus eos actionem quandam peculiarem introduxit, eor- umque mores sat depravatos voluit compefcere, licet ad unum eundemque finem hæc actio non sit introdu- cta vid. LEYSERVS *Meditat. ad Pandect. Spec. 66. §. 3.*) & hujus generis plura, undique paginæ profanæ mon- strant. Quanta Usurarum primis temporibus fuerit ab- ominatio, monstrat Jus Canonicum (licet hoc alio titu- lo & sub specie annuorum redituum palliatis conces- sisse videatur vid. BOEHMER. *Jur. Eccl. Prot. ad tit. de De- posito*

posito §. 12.) Quantis successu temporis limitibus inclur-
sæ Usuræ, Jus Romanum abunde, Praxis primitivæ
Ecclesiæ, vid. STRYCK. *V. M. ff. tit. de Usur. §. 2.* Recessus
Imperii, & fere cujuscunque loci Statuta ob oculos po-
nunt. Nunquam autem ejusmodi admodum rigidæ
constitutiones & coarctationes, effectum optatum in
omnibus consecutas esse, plus quam mille exemplis
posset doceri, conf. *Dissertat. sub præsidio nostro de Usuris
extra conventionem vel moram præstandis §. 4.* inter hæc
multa liceat intueri Legem Anastasianam, quæ fraudi-
bus illorum lites alienas redimere studentium voluit ob-
viare. Nihil societati humanæ commerciisque stabi-
liendis erat aptius atque convenientius, quam cuilibet
liberum esse rerum suarum Dominium, translationem-
que pro commoditate, & quocunque pretio, nisi læsio
ejus ultra dimidium, contractum alias firmum interver-
teret, vid. *L. 2. C. de Resc. vend. vel dolus concurreret,
L. 5. C. eod.* conf. LEYSERVS *Meditat. ad Pand. 205.* Ast
cum successu temporis invenirentur homines alienis
fortunis inhiantes, bonasque actiones & nomina, qui-
bus certa dies præfixa qui nondum venerat, vel quibus
dies nulla præfixa, & tamen solutio eo momento exigi
non poterat, minus Justo comparare pretio studentes,
ANASTASIUS Imperator horum hominum malitiæ voluit
subvenire, & cessionem quidem ejusmodi nominum
vel actionum *in tit. ff. de Hered. vel. Actione vendita* per-
missam, non improbat, sed solum debitori ejusmodi no-
minis exceptionem aliquam subministrat, ita ad plus
solvendum adstringi non possit, quam is in quem ejus-
modi nomen cessum, revera solvit, vid. *L. 22. 23. & 24.
C. Mandati*, adeo ut postea is Jurejurando istud quod re-

vera solvit cogatur patefacere, licet solutioni adhibuerit testes, & Judex ex officio quoque nemine urgente debeat indagare, an non in cessione contra L. Anastasianam peccatum sit. vid. STRYCK. in V.M. ff. ad tir. de Hered. vel Act. vend. §. XI. & Ddres ibid. allegati. Imperatoris intentionem Justi ac boni undique hic colligere licet, sed an eundem quoque effectum sortita sit ambigo, vix enim illi, quibus nervus rerum gerendarum deerat, tali constitutione lata, quenquam invenire poterunt, qui egestati ipsorum pro presenti succurreret, quis enim nomen ad mille thaleros datum, mille quoque thaleris redimet, possunt enim in actione vera & bona multa accidere infortunia, ut vel debitum redemptum pro parte periclitetur, vel etiam tanti sumtus circa exactionem solutionis erogandi sint, qui totum absorbent debitum, quapropter hæc nimis videntur rigide constituta, licet enim interesse & expensas computare liceat, per l. 22. C. de Mandati. hæcque simul ab opponente Legem Anastasianam solvendæ sint, tamen is cui cessum aliquid, si supponas pro vero pretio cessum esse, sentit incommodum, expensas enim tunc, quando alter non fuit condemnatus, ex propriis erogare tenetur, & nullum contra cedentem habet regressum, imo quandoque neque cessi nominis pretium recipit, cum liceat alicui nomen minus bonum, quod tamen verum est cedere, vid. L. 4. ff. de Hered. vel Act. vendit. conf. STRYCK. de Cautel. Contract. Sect. 4. c. 2. §. 6. seqq. & ita cedens majori ferme fruitur commodo ac privilegio, utpote qui summam promissam statim accipit, quam cessionarius, qui incommodo exactionis ac processuum est obnoxius. Haud equidem me latent, Ddres maxime circa interpretatio-

tationem hujus Legis esse sollicitos, & quosdam solum eam latam esse putare, contra illos qui debitoris lacessendi vel vexandi, aut etiam improbi lucri captandi gratia, cessionem in se fieri conficiant, vid. CARPZOV. P. 1. dec. 67. n. 9. BERLICH. dec. 33. n. 19. MEVIVS in *discuss. levam. inop. debir. c. 7. n. 27.* & permulti alii, quorum allegationi supersedeo, quosdam autem Justum pretium ex æquo & bono determinandum esse statuere: vid. LAVTERR. in *Colleg. Theoret. pract. ad tit. de Hered. vel act. vend. §. 62. & 63.* Sed ex ipsa constitutione has limitationes ipsos derivare posse dubito; licet enim Imperator ANASTASIVS in *pr. L. 22. C. Mandati* mentionem faciat, quod etiam diversis personæ litigatorum per hæc cessiones vexationibus afficiantur, tamen constitutio ANASTASIANA in d. l. tam generalis est, ut omnes damnet cessiones, quæ infra verum fiant pretium, ne scilicet sub hisce etiam eveniant casus quæ solum vexationis gratia fiant, solas autem exceptit cessiones inter coheredes, ratione actionum hereditariarum, nec non inter Legatarios & fideicommissarios, in specie autem cessionem per donationem factam; sic reliqui casus omnes Legi Anastasianæ erunt subiecti. Luculentius hoc adhuc apparet ex constitutione JUSTINIANI in *L. 23. C. Mandat.* qui in principio repetit Constit. Anastasianam *per verb. ab Anastasio divæ memoriæ justissima constitutio inscripta est tam humanitatis quam benevolentie plena: Ut ne quis alienum subeat debitum cessione in eum facta, & ne amplius à debitore consequatur his quæ præstitit cessionis auctori, exceptis quibusdam casibus qui specialiter illa sanctione continentur, eamque conqueritur à malis hominibus laceratam, astutiisque ipsorum interversam, hinc adhuc duriolem faci-*

cit conditionem illorum, in quos cessione aliquid translatum, cum enim antehac liberum erat, partem debiti donare, vel simpliciter vel remuneratorie, hæc omnia in d. l. improbat, nullamque partialem donationem in ejusmodi casu admittit, nisi universalem totius debiti, hisce notabilibusque verbis in fine d. l. (*in futuris post presentem legem casibus hæc observari censemus: ut omne quod contra legem Anastasianam excogitatum est, hoc in posterum nostro perfruatur remedio*) plurimas Ddorum limitationes ampliationes & extensiones, de quibus farraginem invenies apud MANZIVM de interpretat. L. Anastasiane, Alphos. ab OLEA de Cessione Furium & Actionum, & ipsum BRUNNEM. de Cess. Actionum. rejicit, licet optandum Ddorum limitationes ex Lege Anastasiana, & subsequuta Justiniana posse desumi, lex enim eo modo multo esset æquior, & deinde Judicis in omnibus admitteret arbitrium, sed quoniam ita scripta licet dura sit merito servanda, atque in Praxi commendanda, nec cum Dn. THOMASIO asserendum, exiguum hodie ejus esse usum, ob debitorum cessantem favorem, & quoniam Imperator ad Legem Cinciam respexerit, quæ lex mutata faciererum, cesset, sic quoque corruat usus Legis Anastasiane. conf. Disputatio ipsius de Æquitate cerebrina & exiguo usu Pract. Legis Anastasiane, quem refutavit pluribus Dn. LEYSER Med. ad Pandect. 203. ubi quoque quæstiones An Contra Cambium locum habeat exceptio Legis Anastasiane, pluribus solide excussas invenies. Multa eaque plura adhuc restarent dicenda, de Usuris cessis, an harum usuræ exigi possint, & quid Statutis provincialibus de Lege Anastasiana sit cautum, sed hæc pro facultate materiae Lætionis Cursoriæ uberius expendet

NOBI-

NOBILIS AC CLARISSIMVS
DOMINVS
JOHANNVS CHRISTIANVS
LEHMANN,

Cujus natales atque profectus jamjam more solito sequentibus examinandi: Primam adspexit lucem *Sprembergæ* in March. Lusat. infer. anno 1688. Patre MARTINO Lehmann, Matre autem MARIA WILLAMIN, Pastoris quondam in Pago *Klein Döbern*, filia; ab his Parentibus optimis, in disciplinam Præceptoribus, in Schola patria docentibus, traditus est, & prævia eorum Instructione anno 1704. ad Lyceum Lubbenense missus, ubi sub fideli Informatione Mag. BARTHSCHII & SCHVLZII per 4. annos commoratus est. Postea se contulit in Gymnasium Budissinense, in quo diversis temporibus a dictis Præceptoribus, qui ibi successive officio Rectoris functi sunt, per 4. annorum spatium studiis humanioribus instructus est. Deinde ad studia altiora prosequenda Academiam Lipsiensem adiit, in qua, facta à Rectore Magnifico Dn. VLTRICO JUNIO die 4. Mensis Octobr. 1712. in Numerum Civium Universitatis Receptione, ultra Sexennium Studio juridico incubuit, & præter Doct. PHILIPPVM, *Facultatis Jurid. Assessor. & Senior. pie def.* alios etiam Viros Doctissimos Doct. SCHACHERVM, & OLEARIVM audivit, omnesque Jurisprudentiæ partes horum ductu perlustravit. Inter ea etiam sub Præsidio Dn. D. GRIEß, A. 1715. *Bonorum successionem unde Vir & Uxor* publice defendit. Absolutis Studiis, tandem Lubbenam adFortunam suam constituit.

(2.)

stituendam se contulit, illaque quæ ex ore virorum doctorum hauserat, in succum & sanguinem vertere constituit. Hinc causas Clientum orandas suscepit, in illisque eò processit, ut non sine fructu hoc peregerit, quare & Provinciæ legi debitum præstitit obsequium, & pro praxi examen subiit, ac posthæc Advocatorum numero adscriptus est. Ne autem iste successus ita excresceret, ut tandem Rabulistarum & trituratoris forensis nomine insigniretur, consultius judicavit, & aliis demonstrare se vera Juris scientia contra tela pugnantium esse instructum, Themidisque societatem appetendo hac præsumptione sese liberare. Quapropter facultatem nostram nuperrime adiit, petiitque ea qua par est modestia, ut ipsi aperirentur quibus explendum esset officium, ei qui Jurium scandere velit scalas. Desiderium ejus honestum nobis lubentissime fuit acceptum, & id fieri posse per elaborationem textuum transmit-tendorum, & Examen rigorosum indicavimus; quibus omnibus se submitit, & partes suas ita explevit, ut non immerito reputaverimus, Jurium Candidatis esse annumerandum, viamque ad ulteriora Jurium specimina aperiendam: & hæc est causa ob quam proxima die 16. Augusti Lectionem Cursoriam ad l. 22. C. Mand. & postea Dissertationem Inauguralem DE VERA AC REALI ACQUISITIONE SIMVL TANEÆ INVESTITVRÆ IN LV SATIA INFERIORI. habebit. Quos Actus solennes ut Magnif. Dn. Academiae Rector, Dni Proceres & Fautores, præsentia sua honorare, Dominique Studiosi frequenter interesse velint, decenter rogantur, atque invitantur. Publ. sub Sigillo Fac. Jurid. d. 10. Augusti M DCC XXVII.


(L. S.)

ULB Halle
005 355 63X

3







B.I.G.

Farbkarte #13

72

1727, 20

20

FACULTATIS JURIDICÆ
 IN ALMA ET PERANTIQUA ELECTORALI
 VNIVERSITATE ERFORDIENSI
 DECANVS
 ERNESTVS TENZELL,
 JCVS,

EMINENTISSIMI PRINCIPIS ELECTORIS MOGVNTINI CONSILIARIVS REGIMI-
 NIS, JVDICII PROVINCIALIS ERFORDIENSIS ASSESSOR, AC DICTÆ CIVI-
 TATIS CONSVL PRIMARIVS,
 AD LECTIONEM CVRSORIAM

Super L. 22. C. Mandati,

HACQVE FINITA
 DISSERTATIONEM INAUGVRALEM
 DE VERA AC REALI ACQVISI-
 TIONE SIMVLTANÆ INVE-
 STITVRÆ IN LVSATIA
 INFERIORI,

NOBILI ET CLARISSIMO DOMINO
 JOH. CHRISTIANO LEHMANNO,

Spremburgens. Lusat.
 IN AVDITORIO JCTORVM MAJORI
 D. XVI. AVGVSTI A. M. DCC. XXVII.

HABENDAS,
 OMNIVM ORDINVM AVDITORES DECENTER INVITAT,
 ET
 OCCASIONE LEGIS IN ISTA LECTIONE EXPLICANDÆ

QVÆDAM
 DE NATVRA LEGIS ANASTASIANÆ
 DISSERTIT.

ERFORDIÆ, Typis GROSCHIANIS, Acad. Typogr.

